



de pefferkär

D'Alternativ fir Wëntger

Gemengewalen 2017

ADR: Eng kloer Sprooch

D'ADR ass d'Partei vun der Rentegerechtegkeet. D'ADR ass d'Partei vum Referendum, mat hirem 3x Nee. D'ADR huet gewisen, dat si denkt, wéi d'Leit am Land och denken.

D'ADR ass eng jonk Partei mat just 30 Joer. Vun hire soziale Wuerzelen huet si sech weiderentwéckelt zu enger sozial engagierter, un de Wärter vum Land orientierter Partei. D'ADR verdeedegt d'Demokratie an d'Rechter vum Eenzelen. Duerfir wëlle mir eisen Asaz an der Gemengepolitik verstärken.

Mir bezéie kloer Positounen, an eis Haaptthemen bleiwen an der Gemengepolitik aktuell:

- * Lëtzebuurger Sprooch a Kultur*
- * Integratioun*
- * Schoul, Familljen- a Sozialpolitik*
- * Anriede fir d'Privatsphär an d'Meenungsfreiheet, mee och fir d'Sécherheet*
- * eng humanistesche a rechtliche Approch zur Flüchtlingspolitik*
- * Hannerfroen vun den EU-Exzessen an d'Betounen vum Wäert vum Nationalstaat*
- * fräi Maarktwirtschaft a keng Verwaltungswaasserkäpp.*

D'ADR verdeedegt de Prinzip vun enger staarker Gemengenautonomie. Nom Subsidiaritätsprinzip soll de Staat sech just ëm d'Aufgabe këmmern, déi net besser vun der Gemeng ze erleedege sinn.


Optimistesche an d'Zukunft

Léif Biergerinnen a Bierger van der Gemeng Wëntger,

An dëser Ausgab stellen mer Eech eis Kandidaten fir d'Gemengewalen 2017 vir an eenzel Deeler vum nationalen Gemengewahlprogramm vum ADR.

Esou wéi an der nationaler Politik, stellt d'ADR och eng wichteg Alternativ zu allen anere Parteien dar, wann et ëm eng gutt Gestéierung vum Land geet. D'Alternativ Demokratesch Reformpartei stellt Eech am nationalen Wahlprogramm eng Rei Virschléi vir, fir der Gemengepolitik neien Driff ze ginn.

Den nationalen Programm fir d'Gemengewale vum 8. Oktober baut op 6 Prioritéiten op.



Walprogramm (Lëtzebuergesch)

- https://adr.lu/alternativ_2017_l/

Wahlprogramm (Deutsch)

- https://adr.lu/alternativ_2017_d/

Programme électoral (Français)


- https://adr.lu/alternativ_2017_f/

Election program (English)

- https://adr.lu/alternativ_2017_e/

Programa eleitoral (Português)

- https://adr.lu/alternativ_2017_pt/



D'Alternativ fir eis Gemeng: d'ADR

D'ADR hatt Proposen, fir datt och Lékt mat klenge a mëttlere Revenue sech eng Wanning zu Lëtzebuerg leeschte kënnen. Et dierf nik sinn, datt Lékt, déi zu Lëtzebuerg gebuer sënn an hei am Land schaffen, déisäits de Grenz musse kucken, fir sech en Ënnerdaach leesten ze kënnen!

Fir sech zu Lëtzebuerg wuel ze spieren, muss ee sech a Sécherheet fillen - op matten an enger Stad oder wäit eraus an engem Duerref. Och bei der Sécherheet dierfen sech déi Verantwortlich van enger Gemeng nik nëmmen op de Staat verlossen!



Mer mussen eis nees fräi am Land beweegen kënnen. Fräi heescht, selwer doriwwer entscheiden, mat wéi engem Verkéiersmëttel een op d'Schaff, an d'Schoul oder op eng Fräizäitaktivitéit ënnerwee ass. Fräi heescht, komfortabel an engem öffentlechem Verkéiersmëttel kënnen ze reesen oder säin Auto ze huelen ouni laang am Stau ze hänken.

D'Kanner sënn eis Zukunft. D'ADR plaidéiert fir de fräie Choix vun den Elteren, sech selwer em d'Erzéiung vun de Kanner ze këmmere, oder dës Aufgab an eng Crèche oder eng Maison Relais zäitweilleg weiderzeginn. Dowéinst gehéiert eng qualitativ gutt Kannerbetreierung zu der Responsabilitéit vun der Gemeng.

Et kommen ëmmer méi nei Lékt op Lëtzebuerg, an domat och an eis Gemeng. Dowéinst ginn Integratioun a sozial Kohäsioun och ëmmer méi wichtig. D'ADR ass sech sécher: d'Integratioun geet nëmmen iwwer d'Lëtzebuerger Sprooch!

Eist Land, an esou och eis Gemengen, sinn och mat internationalen Defie konfrontéiert, dëst an éischer Linn, well ëmmer méi Flüchtlingen am Grand-Duché eng nei Heemecht wëlle fannen. Lëtzebuerg muss kënnen ënnerscheiden, an dëst ouni onendlech Delaien, wien de Schutz als Flüchtling ze gutt huet, a wien nik! Déi Lékt, déi dierfe bei eis bleiwen, mussen an Dignitéit opgeholl ginn a bei der Integratioun gehollef kréien.

2017 ass den Optakt vun engem spezielle Wahlkalenner zu Lëtzebuerg, wou sech d'Gemengewahlen, d'Nationalwahlen (2018) an d'Europawahlen (2019) hannerteneen areien. Dat sinn dräi wichteg Etappe fir d'Zukunft vum Land. Vill Entscheedunge vun dëser Regierung hann Sträit a Kaméidi bis an d'Gemeng gedroen. Dat muss ophéieren.

D'ADR als biergerlech a wäertorientéiert Partei hatt hir Plaz och an der Gemengepolitik. Grad well d'CSV an déi aner Parteie sech fir lénksideologesch Wonschvirstellungen asetzen an déi wierklech Uleies vum Bierger "lénks leie loosse". Mer hoffen, datt eis Partei an dës Wahlen eng zolidd lokal Basis kritt. Well ons Partei setzt sech all Dag fir all Bierger an. Mer hoffen och, datt dës Wahle fir d'ADR e gutt Sprangbriet sënn, fer déi Wahlterminer, déi duerno astinn.



Mer hann 11 Kandidaten op eiser Lëst, Fraen a Männer, déi aus Iwwerzeugung Politik wëlle bedreiwen an sech fest virgeholl hann aktiv aan der Wëntger Gemengepolitik deelzehuelen. Dat wor o schonns esou bei de leste Wahlen. Eis Lékt hann, jiddferen op deem Posten wou e wor; Geméngerot, Kommissioun oder am öffentleche Liewen;

hiert Best gemat an esou Muenches bewierkt an gehollef d'Liewensqualitéit an eiser Geméng ze verbesseren. Dobäi ha mer eis vill nei Frënn gemat, well mer éng biergerno a vernünfteg Politik gemat hann, awer sécher och eng Rei Géigner, wëll mer eis nët an den Eck drécke geloss hann, an ëmmer dat gesoot a gemaat hann, wat eis richtig geschingt hat – also eng kloer Sprooch geschwaat an Alternativen agebueden hann!

O wa mer an der Oppositioun waren, ha mer eng Rei Projeeën van der Majoritéit matgestëmmt. Anerer konnte mär nik mat droen. Mer hann zu allen Themen Stellung geholl, eegen Virschléi gemat an Kritik geäussert wann et abraacht wor. Mer hann versicht, dat wäitestens onperséinlich a sachlich ze man, an hann dofir vill Anerkennung krut an eis Platz am politische Geschéihen an eiser Geméng gefestigt.

De Comité an d'Kandidaten van der ADR
Lokalsektioun Wëntger



**D'Alternativ
fir
Är Gemeng!**

www.adr.lu

D'Lëtzebuerger Sprooch a Kultur op déi éischt Plaz!

D'ADR ass déi Partei, déi sech wéi keng aner an ouni Kompromesser fir d'Lëtzebuerger Sprooch a Kultur op déi éischt Plaz setzt. Mir setzen eis dofir an, datt d'Lëtzebuerger Sprooch net nëmmen op nationalem, mee och op kommunalem Niveau zu sengem Recht kënnt.

D'ADR setzt sech dofir an, datt d'Lëtzebuerger Sprooch un éischer Plaz steet:

- *an de Gemengepublikatiounen,*
- *a wichtegen Dokumenter an Informatiounen,*
- *um Internet-Site vun der Gemeng,*
- *an der Äntwert op een - op Lëtzebuerger gesch formuléierte - Bréif,*
- *als Integratiounshëllef mat gratis Sproochcoursen och ausserhalb vun ubliche Schaffzäiten.*

D'ADR huet kee Problem domat, wann d'Awunner vu Lëtzebuerg och an anere Sproochen informéiert ginn. Allerdéngs hale mir dorop, datt Lëtzebuerger déi éischt Sprooch ass.



WEIS Kevin
Brotebach
26 Joer
Busmécanicien

Konkret Hëllef fer Famillje mat Kanner!

D'Kanner sinn d'Zukunft vun eiser Gesellschaft. Eng optimal Betreierung an Erzéierung, déi och de neie Liewensgewunnechte gerecht gëtt, huet fir d'ADR absolut Prioritéit. D'ADR wëllt den Elteren de Choix loosse, hir Kanner selwer ze erzéien oder qualitativ héichwärteteg Strukturen ze gebrauchen.



An deem Kontext stellen sech och op kommunalem Niveau eng ganz Rei wichteg Erausforderungen, déi d'ADR bereet ass an eiser Gemeng unzepaken, andeems mir:

- eis asetze fir qualitativ héichwärteteg Crèchen an genuch Plazen an de Gemeng-crèchen,
- en offenen Dialog féieren tëscht den Elteren, der Gemeng an de Betreierungsstrukturen (Maison des jeunes, Crèchen, Schoulen asw.), fir esou méiglech Defiziter méiglechst séier erkennen a mat Verbesserungen entgéintwierke ze kënnen,
- d'Interesse vun de Kanner u kommunale Veräinsstrukturen (Sportsveräiner, Museks- an Theaterveräiner asw.) féerden a si frëstméiglech an d'Veräinsliewen abezéien (beispillsweis duerch Schnupperformatiounen),
- d'Jugend beroden, hinne Fräizäitméiglechkeete bidden a hinnen hëllef, sech op d'Aarbecht virzebereeden (mat engem qualita-

tive Konzept fir Projeten zur berufflecher Orientéierung),

- Aarmut biergerno an onbürokratesch bekämpfen an d'Prozedure fir d'Ufroe vun Hëllef vereinfachen,
- e familljen- a kannerfrëndleche Kader schafen, mat Spillplazen, öffentlech Wéckeldëscher, asw.



Faber Nathalie

Heesdref

35 Joer

Aide-soignante

CRL (Cavalier Réunis Luxembourgeois)



Gilz Tina

Diénjen

24 Joer

Vendeuse

Historesch an Architektonisch Bausubstanz schützen!

Der ADR ass et wichteg, datt eng bestëmmte Liebensqualitéit an der Gemeng ginn ass. Dëst steet am direkten Zesammenhang domat, datt en Ëmfeld erhalen oder geschaf gëtt, an deem d'Leit sech kënnen wuelfillen. Dozou gehéiert och d'Erhale vun eiser traditioneller Bausubstanz a vum Charakter vun de Stied an Dierfer. Schliisslech ass dëst – nieft der Lëtzebuerger Sprooch – e wichtegen Aspekt vun eiser Identitéit.

Mir setzen eis dofir an, datt

- regional-typesch Gebaier a Bausubstanze mat kulturellem Wäert erhale ginn,
- et kommunal Subside ginn, fir d'Renovatioun an d'Sanéierung,
- d'Gemeng, wann néideg, wäertvoll Gebaier keeft, fir den Erhalt ze sécheren,
- d'Bierger fir déi kulturell Schätz vun hirer Uertschaft sensibiliséiert ginn,
- d'Gemeng dofir suert, datt historesch Plazen net duerch onpassend Konstruktiounen verschampeléiert ginn,
- mat kierchleche Bausubstanze verantwortungsvoll a respektvoll ëmgaange gëtt.



Renckens Pierre

Saassel
65 Joer
Bauer

Member van der Wëntger Bautekommissioun

No beim Bierger!

D'politescht Matsproocherecht vum eenzele Bierger ass fir d'ADR ganz wichteg. Mir stinn dofir an, datt déi direkt politesch Participatioun an d'Transparenz an der Gemeng erhalen a weider ausgebaut gëtt, andeems:

- *de lokale Referendum mat vereinfachte Modalitéiten erméiglecht gëtt,*
- *d'Bierger gutt a korrekt informéiert ginn, duerch:*
 - *d'Archivéieren an den Accès op d'Dagesuerdunge vu Gemengerotsëtzungen,*
 - *objektiv a politesch neutral Berichter vun de Gemengesëtzunge fir all Stot,*
 - *Informatiounsversammlunge viru grouse Projeten a wichtegen Decisiounen.*

Der ADR no muss den Déngscht um Bierger eng Prioritéit fir d'Gemeng sinn. Dowéinst këmmere mir eis dorëm, datt d'Gemeng:

- *administrativ Demarchen esou einfach wéi méiglech mécht,*
- *och baussent „normalen“ Bürosstoune fir dës Demarchen accessibel ass,*
- *och fir staatlech Verwaltunge Biergerdemanden entgéintheelen an dobäi berode kann,*
- *méiglechst vill Demarchen och iwwer Internet ubitt,*
- *nieft dem online-Format ëmmer och d'Pabeierformat ubitt.*



Behënnerten- a Senior-gerecht Politik!

D'UN-Konventioun fir d'Rechter vu Mënsche mat Behënnerteng gouf 2011 vu Lëtzebuerg ratifizéiert. Och wann hei punktuell scho munches ëmgesat gouf, sou feelt nach ëmmer viles. Ëmmer nach stoussen déi betraffe Leit op schwiereg Situatiounen, déi hinnen et net erlaben, u gesellschaftlechen Evenementer deelzehuelen oder sech fräi an der Gemeng ze beweegen, ouni op äusserlech Aschränkungen ze stoussen.

D'ADR setzt sech dofir an, datt déi gesamt Gemengeninfrastruktur am Laf vun der nächster Legislaturperiod behënnerten- a senioregerecht gemaach gëtt.

Dëst betrëfft esouwuel den Accès wéi och d'Beweegen ënnerhalb:

- administrativen a kulturelle Gebaier,
- Gebaier vu Bildungs- a Betreuungsstrukturen,
- Gebaier vum Gesondheetssystem a vu Fleegestrukturen,
- Kierchen a Kierfechter,
- Sport- a Fräizäitanlagen,
- Sanitär-Anlagen,
- Verkéiersstrukturen (z.B.: Foussgängerluchten, Stroosseniwweggäng, Busarrêten...).

Duerfir muss en Inventar opgestallt ginn, an deem fir all ëffentlech Infrastruktur an der Gemeng festgehale gëtt, ob si behënnerten- a senioregerecht amenagéiert ass. Am Gemengebudget muss dann och all Joer e Programm a Kreditter festgehale ginn, fir dës spezifesche Infrastruktur ze verbesseren.

Desweideren wäerte mir och d'Bautereglement esou änneren, datt nei Appartementshaiser a Geschäftslokaler direkt no behënnerten- a senioregerechte Kritäre musse gebaut ginn.

D'ADR wäert dofir suergen, datt eng integral behënnerten- a seniorefrëndlech Upassung vun alle Gemengeninfrastrukturen net just a Sonn-desriede versprach gëtt, mee och an d'Realitéit ëmgesat gëtt.



Fettes Melanie

Brotebach

22 Joer

Aide-soignante

Aktiv bei den Scouten

Kompetent Politesch Gouvernance

D'ADR steet fir eng staark Gemengenautonomie: All Themen, déi op kommunalem Niveau behandelt kënne ginn, sollen och an der Verantwortung vun der Gemeng bleiwen. Mir setzen eis an an fir eng selbstbestëmmt an eegenverantwortlech Gemeng. Fir datt d'Gemengepolitiker an deem Sënn hirer wichteger Aufgab voll a ganz gerecht kënne ginn, well d'ADR an ärer Gemeng ëmsetzen:

- Eng systematesch Ënnerstëtzung vun de Gemengen- a Schäfferéit duerch Besiche vu Formatiounen a Weiderbildungen.

D'ADR an ärer Gemeng setzt sech desweidere fir eng verantwortungsvoll a nohaltege Finanzpolitik an:

- Wann iergend méiglech keng Erhéijung vun den Taxen oder Gemengesteieren,
- Wann iergend méiglech kee Léine vu Suen,

D'Léine bleift d'Ausnam an däerf nëmmen dann ugewannt ginn, wann et sech op konkret a sënnvoll Investitioune bezitt.

- Investitioune sinn da sënnvoll, wa méiglechst vill Bierger dovou profitéieren (natierlech ouni dobäi déi Léit mat spezielle Bedürfnisser ze vergiessen).
- D'ADR mécht sech staark géint Korruptioun a Vetternwirtschaft op kommunalem Niveau!

D'ADR an ärer Gemeng setzt sech dofir an, datt d'Entwécklungshëllef prioritär eng staatlech, a net eng kommunal Aufgab bleift.

- Wëllen d'Gemengen eege Programmer fir Entwécklungshëllef opstellen, sollen dës mam Staat koordinéiert ginn, fir duebel Aarbecht an Inkohärenzen ze verhënneren.

Reding Sacha

Heesdref
42 Joer
Arbichter

Rettungsdéngscht an Ëffentleche Arichtungen!

D'ëffentleche Arichtunge vun enger Uertschaft kënnen Schutz bidden an zur Sécherheet bäidroen, wa si bestëmmte Konditiounen erfëllen. Dowéinst setzt sech d'ADR an der Gemeng dofir an, datt

- urban Miwwelen (Busarrêten, Bänken asw.) op ëffentleche Plazen op eng Manéier ugeluecht

sinn, déi weder donkel Gestalten nach Vandalen ulackelt,

- ëffentlech Gebaier, (d'Gemeng, d'Schoulen, asw.) duerch technesch Moosname wéi Alarmanlagen oder duerch d'Präsenz vu Personal geschützt ginn.

Och de Rettungsdéngscht spillt eng Roll bei der Sécherheet. Oft si Mënschen an Noutfäll – wou et net seelen ëm Liewen an Dout geet – op hir Präsenz a qualifizéiert Hëllefsléistungen ugewisen. Eng national Reform vum Pompjees- a Rettungswiesen ass an der Maach. D'ADR begréisst déi grouss Prinzipie vun dëser Reform, awer mir maachen eis och staark dofir, datt

- d'Gemeng hei net u Responsabilitéit verléiert, andeems eng ganz Rei vun de Gemengenaufgaben op den nationale Plang iwverdree ginn,

- dës lokal Kräfte Ënnerstützung kréien, fir Aktivitéiten an der Gemeng ze organiséieren.

Pompjees- a Rettungswiese si fir d'ADR e wichtige Bestanddeel vun der lokaler Sécherheet. Dofir sollen dës Kräfte an eisen Aen déi néideg Ënnerstützung kréien, fir sech beschtméiglechst op lokalem Terrain organiséieren ze kënnen.



Ëffentlech Sécherheet heescht Sëcherheet fir Jiddereen!

All Mënsch huet e Recht drop, sech a sengem Land, senger Gemeng a sengem Heem sécher ze fillen! Dofir mussen de Stat an d'Gemeng enk zesummeschaffen. Bei där Zesummenaarbecht muss d'Gewiicht vun der Gemeng awer rëm méi stark ginn, well dës am nooste mam Bierger a Kontakt steet. Dofir setze mir eis dofir an, datt

- de Stat an d'Gemeng Hand an Hand schaffen,
- Themen, wéi z.B. d'Burka-Verbuet, déi just national an eenheetlech kënnen gereegelt ginn, net dierfen op d'Gemengen ofgewänzelt ginn,

D'Zesummenaarbecht tëscht der Gemeng an der Police muss awer och méi enk ginn. Hei maache mir eis staark dofir, datt d'Gemeng:

- zesumme mat der Police a mat senger Bierger e lokale Sécherheitsplang ausschafft, dee reegelméisseg op seng Efficaciteit iwuerpréift gëtt,
- méi e groust Matsproocherecht bei der Policepräsenz huet, mat Berécksiichtigung vu de kommunale Policereglementer.

D'Police muss méi no bei de Bierger. Si soll méi eng grouss Präsenz um Terrain weisen an et dierf net zu rechtsfräien Zone kommen, wou d'Police net higeet. Dofir setze mir eis dofir an, datt

- d'Police déi néideg Moyenen (z.B. de Plazverweis) a genuch Leit huet, fir agéieren ze kënnen,
- d'Police, wann si et wënscht, adequat Lokaler vun der Gemeng zur Verfügung gestallt kritt,
- op besonnesch sensibelen, ëffentleche Plaze Kameraen installéiert ginn, awer ënner strengen Oplagen a mat Respekt virun der Privatsphär

D'ADR wäert sech weiderhi fir d'Konzept vun enger Noperschaftspolice asetzen.

AARMUT AN ORGANISÉIERT HEESCHEN

D'ADR suert dofir, datt d'Gemeng efficace Méiglechkeete kritt, fir organiséiert Heescherei, sou wéi aggressiivt Biedelen ze verbidden. D'fräit Zirkuléiere vun den Bierger an Europa gëllt, wann dës genuch eege Mëttelen hunn, fir hir Existenz ofzesécheren. Dëst soll och um kommunale Plang agehale ginn. Fir dat ëmsetzen ze kënnen, mécht sech d'ADR staark, fir datt d'Police

- gewësse Leit e Plazverweis ka ginn, woumat hinnen den Openthalt op bestëmmte Plazen verbuede gëtt,
- dës Dispositioun net just bei organiséierten Heeschebanden oder bei aggressivem Biedelen uwendet kann, mee och géint aner Banden, kriminell Organisatiounen an Drogendealer virzegoen.

Nëmmen esou Moosnamen an deen néidege gesetzelche Kader kënnen zu enger Verbesserung vun der ëffentlecher Sécherheet féieren.

Der Aarmut muss anescht entgéintgewierkt ginn, wéi Heeschchen als e Mënscherecht ze deklaréieren. Fir d'ADR kann dëst keng Léisung sinn. Dofir ënnerstëtze mir – net just op nationalem, mee och op kommunalem Plang – datt Leit an Nout, déi e Recht hunn, hei am Land ze sinn, gehollef kréien. Als méiglech Moosnamen, gesi mir vir, datt déi Betreffen

- déi an enger spezieller Situatioun sinn, – Kopelen, Leit mat Kanner oder mat Hënn, asw. – géeeegent Léisunge musse proposéiert kréien,
- och op kommunalem Plang vu besser koordinéierten zoustännegen Organisatiounen betreit ginn.

Mat esou Moosname viséiere mir, d'Leit „déi op der Strooss liewen“ nees an d'Gesellschaft ze integréieren, mat enger Wunneng, enger Aarbecht, an enger reeller Liewensperspektiv.

Sport- Gesondheet- Kultur!

D'ADR an ärer Gemeng setzt sech och an am Beräich ...

Sport:

Am Aklang mat de reelle Bedierfnesser vun de Clibb setzt sech d'ADR voll a ganz fir d'Ënnerstëtzung vu lokale Sportsveräiner an. Mir sinn der Meenung, dass een iwwert den Engagement vun de Sportsclubb integrativ d'Kanner- a Jugendbetreuung ënnerstëtze kann. Sportprogrammer sollen sech zudeem un de breede Publikum richten a Bierger aus allen Altersklassen sollen u sportlechen Aktivitéiten deelhuele kënnen. D'ADR an ärer Gemeng wäert

- deene lokale Sportsveräiner finanziell ënnerstëtzen d'Äerm gräifen an hinnen déi néideg Infrastruktur zur Verfügung stellen,
- Sport och am drëtten Alter mat adaptéierte Méiglechkeete fërderen an ënnerstëtzen.



Gesondheet:

D'ADR an ärer Gemeng wäert am Beräich vun der Gesondheet:

- Déi medezinesch a medikamentéis Versuergung an Noutfäll, Nuets an de Weekend méi effektiv gestalten a soumat verhënneren, dass de Bierger wäit Weeër muss zréckleeën, fir medezinesch a medikamentéis versuergt ze ginn.

Kultur:



D'Fërderung vun engem spannenden a faarwege Kulturleben ass eng vun der Gemeng hiren zentralen Aufgaben. D'ADR an ärer Gemeng wäert:

- lokal Kulturveräiner beim Erschafe vun engem variéierte Kulturprogramm materiell ënnerstëtzen,
- kulturell Veranstaltungen (Concerten/Theater) an der Gemeng organiséieren/ënnerstëtzen → och mat Akzent op d'Lëtzebuurger Kultur,
- d'Lëtzebuurger Kultur fleegen an un auslännesch Matbierger vermëttelen → fir d'Integratioun ze fërderen.



Plegier Claude

Aasselburren

51 Joer

Arbichter

Comitésmember am Judo

Vizepräsident vum Wëntger Tourismussyndikat

Tourismus

Fir vill Gemenge spillt den Tourismus eng wichteg Roll. Dofir dréit nieft dem Stat och d'Gemeng an eisen Aen mat Verantwortung an dësem Beräich.

D'ADR wäert:

- ëm den Tourismus beméite lokal a regional Syndikater an Tourismusbüroen ënnerstëtzen, fir touristeschen Hebergementer an Aktivitéiten an der Gemeng ze hëllefem,
- d'Konzept vu der Vakanz um Bauerenhaff ënnerstëtzen,
- historesch Bausubstanzen erhalen.



Molitor-March Sharon

Houfelt

Wirtschaftsberoderin

Sekretärin bei den ADR Fraen

Vizepräsident vum Wëntger Tourismussyndikat

Redakter Éco & Politique

Uni-Professor

Trésorier van enger internationaler Organisatioun

Ëmwelt!

DerADR läit d'Ëmwelt um Häerz. Mee d'Problemer mat deem onerhéierte Wuesstem, dee Lëtzebuerg iwwe d'Joerzengte kennt, verlaangen no Léisungen.

Gemengen kënnen iwweerméissege Waasser- an Energiekonsum an iwweerméissegen Offall richtig deier maachen. Si kënnen Bauviirschreften

maachen, fir datt energiebewosst gebaut gëtt. Si kënnen Gréngzonen definéieren a Land vum Wunnensbau verschounen. Si kënnen dem Bierger hëllefem, säin Dreck ze triéieren a richtig ze entsuergen.

Eng Gemeng muss awer ëmmer am Déngscht vum Bierger schaffen.

Si ass do fir dem Bierger ze hëllefem an net, fir hien ze schickanéieren.

Si ass och net do, fir hien ze erzéien. De Bierger soll ëmmer de Choix hunn! "Intelligent Competeuren" hëllefem dem Bierger, fir säi Stroum- a Waasserverbrauch ze verstoen. D'Gemeng an de Stat hunn awer kee Recht, op Grond vun dësen Donnéeen dem Bierger seng Gewunnechten auszespionéieren.

Gemengegbaier sinn ideal fir effikass Solaranlagen opzestellen: All Bierger ka sech finanziell dodru bedeelegen an dovou profitéieren. Och Kogeneratiounsanlagen maache Sënn.

Duerfir wäert d'ADR an der Gemeng dës Regeln duerchsetzen:

- Infrastrukturen wéi Kanäl, Leitungen a Kläranlagen plangen mam Wuesstum am Hannerkapp,
- Ëmwelt- an Energienormen däerfen net dem Bierger Nodeeler bréngen oder de Choix huelen,
- 30 Fudder Waasser gratis op de Kapp an duerno eng progressiv gestaffelt Tax,
- Wann eng Gemeng net laanscht d'Erweiterung vum Bauperimeter kënn, muss dat esou ëmweltschounend wéi méiglech (keng wäertvoll Gréngzonen) an am Respekt vum Uertscharakter (keng laanggezunne Stroossendierfer) geschéien,
- D'Beanträchtegung vun der Liewensqualität duerch iwweerméissege Kaméidi an iwweerméissege Nuetsbeliichtung kontrolléieren an aschränken.

Verkéier a Gemeng!

De Verkéier zu Lëtzebuerg gëtt ëmmer méi schlëmm. D'Gemeng muss e sécher a gläichberechtegt Mategie vun alle Verkéiersteilnehmer garantéieren.

D'ADR huet eng kloer Linn a Saachen ëffentlechen Transport.

- Mir trieden a fir gratis ëffentlechen Transport fir jiddereen,
- Gemengenefferten fir den ëffentlechen Transport musse vum Stat ënnerstëtzt ginn,
- Gemenge solle sech esou effikass wéi méiglech a regionale Reseauen verbannen, dat an enker Ofsprooch mat den Awunner. All Mënsch muss och no der Oves-Virstellung am nächste Kino (also bis Hallefnuecht) nach gutt mam ëffentlechen Transport heem kommen,
- D'Awunner sollen zum Beispill iwwe d'Zuel an d'Plaz vun den Haltestellen an och iwwe d'Organisatioun vum Schoultransport kënne matschwätzen,
- Iwwerwachungskameraen a Bussen an Zich maachen den ëffentlechen Transport méi sécher.

Individualverkéier muss eng Wiel bleiwen.

Dräi Véirel vun den Trajeten am Land gi mam privaten Auto gemaach. Et ass net un enger Gemeng oder um Stat, dësse private Choix ze kontestéieren oder ze beaflossen.

D'ADR ass géint Schikanen fir Autofuerer (iwwe d'riwwen Verkéiersberouegung, kënschtlech Verknappung.

Null Toleranz erwaart deen Automobilist, deen ze séier an der Uertschaft ass, récksiichtslos parkt oder nuets onnéideg Kaméidi mam Auto mécht.

Null Toleranz gëllt fir Foussgänger a Veloen, déi sech net un d'Verkéiersreegelen halen.

Mir garantéieren

- fléissende Verkéier op den Haaptverkéiersachsen an d'Uertschaft an aus der Uertschaft mat, wann néideg, entspreche Contournementen,
- gudd Stroosseninfrastruktur a Verkéiersweeër, an dat och fir Foussgänger a Vëlofuerer,

De Vëlo ass an deene meeschte Fäll méi e Sport- a Fräizäitgefiere wéi e Fortbewegungsmittel fir schaffen oder akafen ze fieren. Deementspreechend sollte Vëlospisten och méi regional an touristesch gesinn an ausgebaut ginn.

Vëlosservicer, wéi si a verschiddenen Uertschaften bestinn, géinge vun eis op hiren Notzen an hir Käschte gepréift ginn. Och de Sécherheitsrisiko duerch ongeübte Vëlofuerer, de récksiichtslosen Asaz a Foussgängerzonen, d'Benotze vum Vëlo als Spillsaach an de Vandalismus, deem dës Gefierer ausgesat sinn, sollen ënnersicht ginn.



Haag Annita

Boxer

59 Joer

Bauer



Haan Claudine

Sassel

30 Joer

Post-Ausdréiesch

Ons Kandidaten fer är Geméng



D'Alternativ fir ...



Engelen Jeff
Tratten
Gemengerot



Faber Nathalie
Heesdref
Aide-soignante



Fettes Melanie
Brotebach



Gilz Tina
Diénjen
Vendeuse



Haag Anita
Boxer
Bauer



Haan Claudine
Saassel
Post-Ausdréiesch



Molitor Sharon
Houfelt
Wirtschaftsberoderin



Pleger Claude
Aasselburren
Aarbichter



Reding Sacha
Heesdref
Aarbichter



Renckens Pierre
Saassel
Bauer



Weis Kevin
Brotebach
Busmecanicien

Wëntger

www.adr.lu